

مجموعه ابو الضحی

ماسوا شایسته شدن دلی تطهیر به چالش
بر تو حکمت و عرفان ابله تنویر آتش

هر ماه عربی ابتدای سیله اون بشده نشر اولور فنون مجموعه سیدر

جزو ۳۹ [فی غرة صفر سنه ۱۳۰۲] نسخه سی ۳ غروش

سکسان طقسان درجه حرارته بالغ اولور . ایسته موسقوفلر دوزخ ثمن اولان بوفرونه دخول ایله قیپ قرمری اولنجیه قدر اوطوردرلر . و نهایت کندیلرنجه تحمل درجه لری پکنجه بردنبره چر چپلاق طیشاری اوغرایه رق قیش ایسه قار ایچنده یوارلنورلر و یاز ایسه صغوق صویه آتیلرلر . بو حال ایکی اویچ ساعت ظرفنده درت بش دفعه تکرار ایدیلر و کویا بونکله استحمام ایتمش اولورلر .

روسه لیلرک بو صورته اولان استحماملری شمالی آمریکا وحشیلرینک اصول استحمامنه تمایله مطابقدر . چونکه وحشیلرک ساکن اولدقلری محللرده تحت التراب بو مثللو فرونلر اوله رق اقتضا ایتدکجه فرونلری تسخین ایدرلر و صودوکه رک بخار حصوله کتیردکن صکره دروننه کیروب ترلرلر .

استانبولده ایلیک انجمن علوم

دولتو جودت پاشا حضرتلرینک تحریرینه مأمور اولدقلری تاریخک خاتمه سی اولوب بو کره نشر اولنان اون ایکنجی جلدنده تصادف ایتدیکمز بر فقره درکه تاریخ معارفی تزیین ایده جک تحقیقاتدن بولسدینی حیثیته تنقیحاً مجموعه مزه نقل اولندی .

فقره

« بوجه بالا بکتاشیلرک نفی صره سنده غریبدرکه آناطولی پایه لو . لرندن ملک پاشا زاده عبد القدر بک و مکرمه پایه لولرندن وقعه نویس سابق شانی زاده محمد عطاء الله افندی و شق ثالث دفترداری مشهور اسماعیل فرخ افندی دخی بکتاشیلرکله اتهام اولنه رق عبد القدر بک مغنیسیاه و شانی زاده مننه و فرخ افندی بروسیه نفی اولندیلر . فقط فرخ افندی

او زمان تفسیر مواکبی تألیف ایله مشغول اولدیغندن بااراده سیه آنی اتمام ائلك اوزره منفاسی قاضی کوبینه تحویل بیورلمشدر .

« بو عبد القادر بك اصحاب علم و فضلدن دكل ایسه ده جاهل ده دكل ایدی . حتی محب علوم و معارف اولسندن ا کثر اوقاتده فرخ افندی و شانی زاده افندی ایله کوریشوب برلکده دوشر قالقار ایدیلر . چونکه او زمان بشکطاش طرفنده بر جمعیت علمیه اولوب هوسکار علوم و معارف اولنلردن هرکیم تدرسه طالب اولور ایسه آنی تعلیم ایتمی و یاخود ایتدیرمی متعهد ایش . و تعلیم اولنه حق درس فنونه دائر ایسه آنی شانی زاده و ادبیاته دائر ایسه فرخ افندی درعهده ایدرمش . عبد القادر بك تعلیمه مقتدر اولوب آنجق بو جمعیتک رکن رکنی اوله رق جمعیتک ایشلرینه کلی معاونت و نظارت ایلرمش . و بونلر اکثریا فرخ افندینک اورتیه کویده واقع ساحلخانه سنده اجتماع ایدرلرمش . و جمعیتک مصارفی (عارفانه) [۵] اصولنده تسویه اولنوب حتی اعضای جمعیتدن بریسی بر مأموریتله طشره کیتسه ینه حصه سنه عائد اولان پاره یی کوندرلرمش .

« فارسی خواجه من اولان فهم افندی کچوکلکندن برو فرخ افندینک دائره سنده بیویوب تربیه اولمغله بالطبع بو مجلسده بولنورمش . عصر مزده استانبولک اک مشهور شاعرلرندن اولان مرحوم صفوت افندی فارسی اوقومق اوزره جمعیتیه مراجعت ایلدکده آنی تعلیمه فرخ افندی طرفندن فهم افندی مأمور ایدملکله صفوت افندی دخی بو واسطه ایله تعلم و تحصیل ادبیات ایلشدر .

« او زمان مشاهیر فلاسفه اسلامیه دن اولان بشکطاشلی کتخدازاده

[۴] عارفانه لفظی غلطیات عوامدن اولان (عرفنده) نک فصیحی اولمق اوزره یازلمش ایسه ده اصل غلطیه تصحیحی صره سنده دوشولمشدر . زیرا بونک اصلی [حریفانه] اولوب معنایی ایسه [آرقه داشجه] دیکدر . [للطابع]

عارف افندی دخی هفته ده ایکی کون اول مجلسه دوام ایله کرک فلسفیه و کرک ادبیاته دأر اولان مباحثاده بولنورمش .

« هفته ده بر دفعه اعضای جمعیت اجتماع ایله محاورات ادبیه و مسابقت شعریه اجرا اولنورمش . حتی بر هفته باشنده مصراع برجسته لری جمع ایله جمعیه تقدیم ایلده لدی الموازنه . » بوکون شادم که یار آغلار بنمچون « مصراعی مصاریع سائره یه تقدیم و ترجیح اولنمشدر . ایشه اول جمعیتده بویله وقت وقت قرائت اولنان اشعار بعده جمع اولنهرق [نوادر الآثار] تسخیه و طبع و تمثیل اولنمشدر . [۲]

« فرخ افندی لوندرده ایلچیک ایتش اجانب نظرینده دخی غایت مقبول و معتبر بر ذات نادر الصفات ایدی . بویله مهمور الجوانب بر آدمی بکتاشیلکه اتهام ایلک نقدر انصاف سزلقدر . »
 « شانی زاده ایه علوم ریاضیه و طبیعیه ده ماهر و علم طبیده امثالی نادر ذاتیله افتخار اولنور بر ذات ممدوح المأثر اولوب بکتاشیلک افکارندن پک بعید ایدی . لکن حکیم باشی بحجت افندی آنی استرقات ایدوب آره یرده بعض سخن چینان دخی افساد ذات الیندن خالی اولمز لرایدی . »

ملاحظه

[۲] جودت پاشا حضرتلری [نوادر الآثار] حقینده کی افاده لرنده اصابت بیور مامشدر . زیرا نوادر الآثار ده نه بالاده کی (بوکون شادم که) مصراعی موجوددر ونده اثر مجبونه مصراع جمع اولنمشدر .
 نوادر الآثار مورخ مشار الیه حضرتلرینک نام داش عالیلری رچائی زاده شاعر جودت طرفندن جمع ایدلشد که کاملاً ابیات و مفردات منخبه بی حاویدر . ذکر اولنان انجمن علومک طوبلادیقندن بحث اولنان مصراعلر ایه ینده شاعر مومی الیه طرفندن طوبلایله رق (زینة المجالس) نامنده بر مجموعه وجوده کنیرلش و حتی جامعی معبود حالت افندی به اهدا ایلشددر . و ذکر اولنان « بو کون شادم که یار آغلار بنمچون » مصراعی دخی (شیخ مصطفی) نامنده بر شاعرک اولمق اوزره مجموعه مجبونه مقید بولنمشدر .

باخصوص شاعر جودت بموعده سنك مقدمه سنده « سابقا پریشان کرده »
 « تندباد دوران اولان مصراعلك جمع و درجته بذل ماحاصل لیاقت برله بعضیسی
 « محفظه خاطر نا آسوده دن و بعضیسی پیشخته ذهن غفلت سوووده دن کشیده بیاض
 « امکان و اکثریسی دخی شعرای بلاغت افزا و نظم آوران دهر پیرانك دیوانلرن دن
 « بر بر انتخابه دامن درمیان ایده رك - مقصود خاکبایه همان روسیه در -
 عباره سیله صرف کندیسنك اثر انتخاب وجهی اولدیغنی بیان انجس و کتابی حالت
 افندیك اعدامدن سكر و جمعیت مجوٹ عنهاك تاریخ پریشانندن اون بر سسته
 مقدم وجوده کتیر مشدر . شوقدر وارکه نوادر الاناری جمع ایدیکی حالده طبعنه
 موفق اولدمدن ۲۴ تاریخده ارتحال ایتكله مؤخرأ براری (سامل) بك طرفندن
 بر مقدمه علاوه سیله طبع ایدمشدر .
 للطابع ابوالضیا

رقابت صنعتکارانده وقایع تاریخیه دن استفاده

وقتیله فرانسه ده یایمه صاج موده سی رواج بولدیغنی دورده پارسده
 دکانلری قارشى قارشى به اولان ایکی پروکاردن یایمه صاج اعمالنده مهارت
 و شهرت قزائمش اولان بری فریخ و فخور کچندیکی حالده یالکر صاج صقال
 گسمکدن بشقه برشیء یلیمان دیکری خلقك بری طرفه اولان رغبتلرندن
 طولانی معیشتجه مضایقه به اوغرامش ایدی بناءً علیه رقیبنك کتدکچه
 افزایش بولان قزائجنه وکندی صنعتك دخی اونسبتده دوچار کساد
 اولیشه تحمل ایده میه رك هم آندن اخذ انتقام ایتك و همدده رغبت عامه یی
 ینه کندی صنعتته جلب ایلک اوزره ذهناً برچوق وسائط تحریر سیله اشتغال
 ایده ایده نهایت کونك برنده دکانك اوزرینه بر بیوك لوحه تعلیق ایدر .

بولوحه بر نهر ایچنده بوغولوق اوزره اولان بر شخصك و آنی قورنارمق
 اوزره سائقه انسانیتله کندیغنی نهره آتمش دیکر بر آدمك حالت غرقه تقرب
 ایدن شخصی صاچلرندن چکرك صودن چیقارمق ایستدیکی حالده النده
 یالکر حریفك یایمه صاچلری قالمقلا بریکنی جریانك سوروب کوتورمکده